



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Mediolanen. Archiepisc.

urn:nbn:de:hbz:466:1-20006

mè pertimescunt, in diversis Ecclesiis plures sibi archidiaconatus vel alias dignitates usurpant. propter quod Ecclesiæ debitis defraudantur obsequiis, & ex hoc in eis non leve scandalum generatur. Eapropter, venerabilis in Christo frater, tibi auctoritate præsentium indulgemus, quatenus illos, quos plures archidiaconatus, dignitates, vel personatus in eadem Ecclesia per totam Auxitan. provinciam habere constiterit, si Prælati eorum post tuam commonitionem id exequi negligenter omiserint, data illis optione quem maluerint retinendi, reliquis post appellationem remota privare, ipsosque, si super hoc contumaces apparuerint, per censuram ecclesiasticam coercere. Datum Laterani Kalend. Aprilis.

Scriptum est autem eidem Archiepiscopo in eundem modum contra eos qui plures abbatias habent.

VNIVERSIS ARCHIEPISCOPIS,
Episcopis, & aliis Ecclesiarum Prælati,
ad quos literæ istæ pervenerint.

NE promotionis nostræ primitias Domino negaremus, cui universa opera nostra consecrare tenemur, statim post electionem nostram tam pauperum quam aliorum apud sedem apostolicam existentium petitionibus intendere cœpimus, & eorum negotia promovere, ne si otio tanto tempore vacaremus, corpus & animus ex otiositate torperent. Verùm quoniam insolitum fuit hætenus ut sub dimidia Bulla ad tot & tam remotas provincias literæ apostolicæ mitterentur, & ex hoc literæ ipsæ diutiùs quam vellemus possent ex alicujus dubitatione suspendi, ut quorum interest parcamus laboribus & expensis, universas literas, quæ ab electionis nostræ die usque ad solennitatem consecrationis sub Bulla dimidia emanarunt, parem cum illis firmitatem obtinere decernimus quæ in Bulla integra diriguntur. Nulli ergo &c. Datum Laterani iij. Nonas Aprilis.

ARCHIEPISCOPO, PRÆPOSITO
S. Andreæ, & Scholastico S. Petri Colonien.

Cum universorum fidelium ab ipso Domino IESU CHRISTO pastoralis nobis sit cura commissa, sollicitudini nostræ dignoscitur expedire, ut sic debeamus quoslibet in suis rationibus confortare, quod aliorum jura in conspectu Ec-

clesiæ dispendium non sustineant, sed firma & illibata debeant permanere. Intelleximus siquidem dilecto filio Gisberto Canonico S. Iohannis in Leodio referente quòd cum ipse & Lambertus Clericus, ducti quadam animi levitate, de permutatione præbendarum suarum inter se tractare cœpissent, quia utilitatem utriusque imminere credebant, * tamen idem L. Clericus occasione dictæ permutationis, præbenda ejusdem G. quam in Ecclesia sanctæ Mariæ Namurcen. habebat, cuidam suo consanguineo assignata, præbendam S. Bartholomæi, quam sæpè dicto G. repromiserat, nequaquam voluit resignare; & sic idem G. (ut asserit) sua spe remansit omnino frustratus. Cùmque super hoc in præsentia venerabilis fratris nostri Leodien. Episcopi fuisset diutiùs litigatum, tandem idem L. sedem apostolicam appellavit, & cum dictus G. ad nostram præsentiam non sine magno periculo & labore accessisset, idem L. nec venit, nec pro se curavit sufficientem mittere responsalem. Cùm igitur deceptis & non decipientibus jura subveniant, fraus etiam & dolus nemini debeant patrocinium impertiri; licet ipsi per se de jure non possent ecclesiastica beneficia permutare, ut tamen simplicitati venia tribuatur, discretioni vestræ per apostolica scripta mandamus quatenus si vobis constiterit prætaxatum G. taliter fuisse deceptum, ab ipsa Namurcen. præbenda, quam diù dicitur possedisse, amoto consanguineo ipsius L. vel quolibet alio illicito detentore, eandem sublato appellationis obstaculo G. faciatis restitui memorato, & eundem ipsius pacifica possessione gaudere. Nullis literis &c. Quòd si omnes, tu frater Archiepiscopo cum eorum altero &c.

MEDIOLANEN. ARCHIEPISC.

Benevolentiam, quam circa Mediolanen. Ecclesiam & civitatem gerimus, in minori quondam officio constituti in opere demonstravimus, & nostræ intentionis affectum ostendimus in effectu. Nuper etiam divino munere ad summum pontificatus officium evocati, inter ipsa nostræ promotionis exordia volentes Ecclesiæ Mediolanen. deferre, negocium ejus, quod ex majori parte fuerat immutatum, in debitum statum reduximus: in quo usque adeo visi fuimus ejusdem Ecclesiæ justitiæ providere, ut

F iij

rerum permutatione.

** In tertia Collect. & apud Gregor. tandè.*

Epist. 83.

*Epist. 85.
De citatione Passaguerræ
causidici ad dicendam causam
Romæ.*

*Epist. 84.
De fraudulenta
privataque be-
neficiorum per-
mutatione rescin-
dantur.
Cap. Cùm uni-
versorum. De*

Passaguerra caudidicus tuus ad pedes nostros procidens, publicè in consistorio acclamaret: *Iustus es Domine, & rectum iudicium tuum.* Ceterum cum postmodum juxta tenorem pronuntiationis nostræ, dilecto filio Abbati de Scozula expensas restitui faceremus, licet frequentes oblationes & detractiones ejusdem P. frequenter dissimulassemus, tandem coram fratribus nostris proponere detrahendo præsumpsit quòd eum in pronuntiatione nostra injustè gravavimus, ac postmodum iniquitatem iniquitati ac præsumptionem præsumptioni apponens, à nobis illicentiat, immo post interdictum nostrum abscessit. Licet autem & peccatores simus, & nati de peccatoribus; illius tamen & vices agimus & locum tenemus qui peccatum non fecit, nec inventus est dolus in ore ejus, qui habet in vestimento & in femore suo scriptum *Rex Regum, & Dominus dominantium*, qui dixit Apostolis: *Qui vos spernit, me spernit: & qui me spernit, spernit eum qui misit.* Cum ergo juxta canonicas sanctiones quædam sint culpæ in quibus culpa est relaxare vindictam; ne quis hujus temeritatis exemplo præsumat ponere os in cælum, cum ejus lingua transeat super terram; nos utique non nostram persequentes injuriam, sed zelum exercentes ecclesiasticæ disciplinæ, universa quæ idem P. pro se ac suis à sede apostolica impetravit, præsentium auctoritate cassamus; fraternitati tuæ per apostolica scripta mandantes, & sub obtentu gratiæ nostræ districtè precipientes, quatenus ea cassata denunciés & carere prorsus robore firmitatis. Ad hæc, districtè tibi præcipiendo mandamus, ut nisi dictus P. infra quindecim dies post susceptionem præsentium satisfaciendi nobis de tanto excessu in manu tua juratoriam præstiterit cautionem, vel infra quindecim alios dies iter arripuerit ad sedem apostolicam veniendi de tanto nobis satisfactorius excessu, ex tunc eum singulis diebus Dominicis & festivis, pulsatis campanis, & candelis accensis, facias tam per civitatem Mediolanen. quam per totam diocesim excommunicatum publicè nunciari; taliter super hoc mandatum apostolicum impleturus, ne culpa ipsius in te possit merito retorqueri. Datum Romæ apud S. Petrum Idibus Aprilis, pontificatus nostri anno primo.

ARCHIEPISCOPO SENONEN.

Apostolica sedis requirit auctoritas ut quæ confirmationis ipsius munimine fulciuntur, firma debeant & illibata persistere, nec possint alicujus temeritate cassari. Vnde cum venerabilis frater noster Episcopus Carnoten. Presbyteros in sua diocesi per Carnoten. Pissiacen. & Drocen. archidiaconatus constitutos ab omnibus violentiis, talleis, & exactionibus duxerit absolvendos, eisdem concedens quòd in aliquem ipsorum nullam præter juris ordinem suspensionis sententiam promulgaret, nec res alicujus occasione aliqua occuparet, nisi forte decederet intestatus, sicut tam in suo quam tuo authentico perspeximus contineri, & nos, ut ab indebito illorum gravamine conquiescat, duxerimus confirmandum; fraternitati tuæ per apostolica scripta mandamus quatenus idem factum, sicut ratione prævia est statutum, tam nostra quam tua facias auctoritate servari; eundem Episcopum, sive alios, si qui fortè contra confirmationem nostram temerè duxerint veniendum, per censuram ecclesiasticam monitione præmissa, cessante appellatione, compescens. Datum Romæ apud sanctum Petrum xvij. Kalend. Maij, pontificatus nostri anno primo.

ARCHIEPISCOPO SENONEN.

Avidimus quòd venerabilis frater noster Episcopus Carnoten. ita quandoque sequatur motum propriæ voluntatis, quòd cum ad vacantes Ecclesias in sua diocesi personæ idoneæ præsentantur, ipse, licet eis nihil de jure possit objicere, eas tamen instituire contradicit. Cum ergo per te, qui ejus Metropolitanus existis, ipsius velimus suppleri defectum, fraternitati tuæ per apostolica scripta mandamus quatenus si idem Episcopus personas idoneas à dilecto filio Pissiacen. Archidiacono canonicè præsentatas admittere post trinam commonitionem tuam factam diligenter eidem, malitiosè fortè distulerit, tu nostra fretus auctoritate, sublato appellationis obstaculo, eas instituire non omittas; ita tamen quòd nullum ex hoc Episcopo in posterum præjudicium generetur. Datum Romæ apud sanctum Petrum xviij. Kalend. Maij, pontificatus nostri anno primo.

Epist. 86.
Vt decretum
privilegij &
exemptionis
Cleri à talleis
& exactionibus
observetur.

Vide suprà epist.
45.

Epist. 87.
Vt ipse illos
instituat quos
Carnotensis
instituire recusa-
bat.